

搵甩Cool爆形象 玩味十足

COLLAR 拍MV

「麻煩」多多



■ Ivy 擺可愛甫士駕輕就熟。

■ COLLAR 打扮色彩繽紛，充滿少女味。



■ 左起：Marf、Candy、Ivy、Winka 與 Gao 齊齊扮鬼臉。

邱彥筒(Marf)、沈貞巧(Gao)、許軼(Day)、王家晴(Candy)、陳泳伽(Winka)、蘇雅琳(Ivy)及李芯駁(Sumling)組成的女團 COLLAR，前日推出年度首支團歌《Trouble Trouble》，歌曲主題展現 COLLAR 玩味一面，有別過往Cool爆形象。她們笑言拍MV期間遇上不少麻煩事，就如歌名一樣「Trouble」。

女團 COLLAR 前日推出新歌《Trouble Trouble》，是她們成軍以來最具玩味的團歌，Gao 表示：「過去 COLLAR 歌曲都係關於自我、發掘我哋面對所有嘢嘅一面同埋內心脆弱嘅一面，實在太認真！其實我哋平時唔係咁，所以我哋今年要玩盡佢，想試啲玩味嘅歌。」問到MV又有何特色？Marf 表示專誠找來舊歌《Never-never Land》導演執導：「我哋盡量有好多新元素同新角色嚟入面，有啲顏色同地方都似我哋舊歌《Never-never Land》，大家可以解讀吓我哋兩年前出嘅歌，同今次出嘅歌有咩分別。」

凌晨開工唔夠瞓

芯駁透露MV分兩日拍攝，不過兩日的天氣變化及溫差很大，笑言切合歌曲名稱「Trouble」：「一日好熱，一日好涼，證明天氣都有啲 Trouble，襯番我哋首歌！」Ivy 笑言第一日到沙頭角取景，另一日則到摩星嶺，車程甚遠：「唔止 Trouble Trouble，仲係 Travel Travel。」問到拍MV可有遇上 Trouble？Winka 表示連續兩日凌晨4點開工，缺乏睡眠下，感覺說話都有點 Trouble。Candy 則認為 Trouble 只是一個概念，只要心態保持樂觀，所有事情便不會 Trouble。

劉松仁出攝影集 為慈善機構籌款

劉松仁近日推出攝影集《松風捉影》，以個人隨筆記錄不同階段的心路歷程。由於是非賣品，他希望為河北照顧殘疾兒童及長者的慈善機構「黎明之家」籌款。他說：「我好多年前探訪『黎明之家』，當年有啲腦癱癱棄嬰俾當地天主教團體拯救後，搵一班義工照顧佢哋。我真係好感動！當地服務者即使知道受助者唔會康復，都負起照顧佢哋一生嘅責任。我曾親眼目睹殘疾兒童用口摺紙鶴畀我做禮物，好感動！最大啟發係我哋生活上難免有得失，呢啲算乜嘢？令我學識面對同欣賞生命。」

松哥希望透過攝影集的分亨，能跟每位讀者對話：「再出第二本應該有機會，因為『感言』已經輯錄得七七八八。我有界定要啲乜，正如大家成日話



■ 劉松仁積極行善，不打算復出幕前。

『出山』，我覺得應該唔可能，因為精力有限、時間有限，我知自己嘅能力。我好喜歡現階段嘅我，唔強求啲乜，一切隨環境隨心而行。」

「蝙蝠俠」韋基馬肺炎離世

曾主演荷里活電影《壯志凌雲》(Top Gun)與《新蝙蝠俠不敗之謎》的美國男星韋基馬(Val Kilmer)離世，終年65歲！其女兒 Mercedes Kilmer 向《紐約時報》透露父親前日在洛杉磯因肺炎離世。2014年韋基馬患上喉癌，3年後他透露已康復，與癌魔戰鬥期間接受化療和兩次氣管手術，手術後令他的聲音變得沙啞，並且有呼吸急促的後遺症。2021年韋基馬兒子為父親執導紀錄片《VAL》，當時韋基馬在片中要靠儀器協助說話。



■ 韋基馬

鄧小巧新歌MV於海灘取景



鄧小巧預告開騷打側手翻？

鄧小巧日前推出新歌《其實痛是你的想像》，歌詞由她親自主理，以「人」的角度詮釋「痛」，她說：「我碌 Ig 時見到一個心靈 Post，話人生入面其實 99% 嘅痛都係來自你嘅價值觀，然後你身體嘅痛先至係真正無可避免嘅痛。」提到將於本周六及周日舉行音樂會，她笑言心情很平靜：「應該去到 On Show 嗰刻先識緊張，努力準備中。」6年沒開騷的她被問有否驚喜給歌迷？她笑言：「我都唔知大家覺得嘅驚喜係乜，打側手翻？講咗仲算算係驚喜？哈哈！」